

Insúlínþælur

Bætt blóðsykurstjórn hjá einstaklingum
með sykursýki af tegund 1



Kynning

Hvers vegna er mikilvægt að blóðsykurstjórn sé góð?

Góðri stjórn á blóðsykri fylgir betri líðan og aukin lífsgæði. Til lengri tíma litið minnka líkurnar á alvarlegum fylgivillum. Þess vegna skiptir miklu máli að gera eins vel og hægt er frá upphafi.

Markmið

Markmið ættu að vera einstaklingsmiðuð og samkomulag milli þín og meðferðaraðila. Í töflunni sjást viðmiðunargildi fyrir einstakling með sykursýki af tegund 1.

Tímabil	Blóðsykur markmið
Fyrir morgunverð	5 – 7 mmól/L
Fyrir aðrar máltíðir	4 – 7 mmól/L
2 tímum eftir máltíðir	5 – 9 mmól/L
Fyrir svefn	6 – 8 mmól/L

Dæluplástrar og fituhnúðar

Pegar nýr dæluplástur er settur á er mikilvægt að velja honum annan stað en var notaður síðast. Fituhnúðar geta orðið vandamál hjá einstaklingum á dælumeðferð líkt og hjá fólk á pennameðferð. Prátt fyrir að sömu skammtar af insúlini séu gefnir getur frásog lyfsins breyst mjög mikilöf ef stungið er í slíkan hnúð. Breytilegt frásog veldur breytileika í blóðsykurgildum.

Myndirnar hér að neðan eru nokkuð svæsin dæmi um fituhnúða en góð regla er að þreifa húðina þar sem á að setja nýjan plástur til þess að tryggja að þar sé ekki fyrirstaða. Þegar skipt er um dæluplástur er gott að nýr plástur sé settur 5-10 cm frá þeim plástri sem verið er að fjarlægja.



Mælt er með að dæluplástur sé ekki á sama stað nema í 3 daga í senn. Notkun sama plásturs í lengri tíma getur þytt að insúlinið frásogast hægar og því getur blóðsykur hækkað. Ef blóðsykurstjórn breytist mjög milli daga gæti þurft að skipta oftar um plástur.

Hve oft ætti ég að mæla mig?

Þessari handbók er ætlað að auðvelda þér að túlka gögnin sem þú séður þegar þú mælir blóðsykur. Auðveldara verður að stjórna blóðsykrinum ef maður hefur átt að sig á sveiflunum sem eru óhjákvæmilegar í stjórn á flóknum sjúkdómi.

Erfitt er að ná öruggri og góðri stjórn á sykursýki af tegund 1 með færri en fjórum mælingum á dag. Þegar akstur, íþróttir, streituvaldandi viðburðir og áhyggjur af of lágu blóðsykri bætast við, getur verið erfitt að ná stjórn með færri en sex til sjö mælingum á dag. Samt sem áður er kannski ekki raunhæft fyrir alla að mæla sig svo oft en þá er ef til vill gott að taka tarnir stöku sinnum í stað þess að mæla sig alls ekki.

Ætti ég að halda dagbók?

Það getur verið gagnlegt að halda dagbók til að finna út dægursveiflur hjá þér og hvernig insúlíngjafir, hreyfing og matarvenjur hafa áhrif. Meðferðaraðili þinn er þá fljótari að átta sig á hvað gæti þurft til að bæta blóðsykurstjórnina.

Flestir blóðsykurmælar og dælur bjóða upp á að mælingarnar séu sóttar úr þeim í gegnum tölvu. Það hjálpar að koma á göngudeildina með slík gögn eða senda þau í tölvupósti.

Hugtakalisti í þessari handbók:

Virkt insúlin: (e. active insulin) Er viðmið um hve lengi síðasta insúlíngjöf kemur til með að virka. Virkni hraðvirks insúlíns varir milli þriggja og fjögurra klukkustunda.

Grömm af kolveturnum: Á pakningum matvæla má lesa hve mörg grömm (g) af kolveturnum varan inniheldur. Þannig má áætla hve mikil af kolveturnum er í hverjum skammti. Sem dæmi mætti nefna ef 100 g vörum innihalda 50 g af kolveturnum, þá myndu 20 g innihalda 10 g.

Leiðréttigarstuðull/insúlinnæmi: (e. sensitivity) Áætluð lækkun á blóðsykri fyrir hverju einingu af insúlini sem gefin er inn (t.d. 1 eining lækkar blóðsykur um 2 mmol/L).

Blóðsykurfall: Ef blóðsykur er lægri 3,5-4 mmol/L kallast það blóðsykurfall.

Insúlin/kolvetnahlutfall: (e. carb ratio) Magn insúlíns sem þarf að gefa fyrir hver 10 g af kolveturnum sem er neytt. Hlutfallið 1:10 myndi þýða að taka ætti inn 4 einingar af insúlini með máltið sem inniheldi 40 g af kolveturnum.


Tímabundinn grunnur: (e. temporary basal) Í insúlindælu er hægt að stilla inn mismunandi grunna eftir því sem á við. Sem dæmi um þetta er hægt að nefna að einstaklingur með sykursýki þarf minna insúlin fyrir og á meðan á æfingu stendur. Þetta er reyndar mjög persónubundið en þá er hægt að láta dæluna gefa sér 50% af grunninsúlini á meðan viðkomandi æfir. Við sýkingar eða veikindi af einhverju tagi þarf að jafnaði meira insúlin og þá er hægt að stilla grunn á 120% en þá gefur dælan 20% meira insúlin.

Kynning

Tíu skref að bættri blóðsykurstjórn


1. Að koma í veg fyrir blóðsykurföll að næturlagi
2. Að ná markmiðum í sykurstjórn á morgnana
3. Að stilla grunninsúlin (basal)
4. Að gefa réttan skammt með máltíðum (bolus)
5. Að tímasetja máltíðarinsúlin og velja skammtaform
6. Að velja réttan leiðréttigarstuðul og ofnota hann ekki
7. Að meðhöndla blóðsykurföll
8. Að stilla insúlíngjafir að hreyfingu
9. Að fara yfir mynstur í blóðsykurmælingum
10. Að nota göngudeildina

Útskýring á myndum sem notaðar eru:



1

1. Skref: Að koma í veg fyrir blóðsykurföll að næturlagi



Blöðsykurföll að næturlagi eru óæskileg af nokkrum ástæðum

- Það er erfiðara að áttá sig á þeim en á daginn.
- Ef þau eru algeng geta einkenni þeirra minnkað og lokt horfið.
- Þau geta orsakað blóðsykurhækkun undir morgun og eftir morgunmatinn.

Þú getur í raun ekki útilokað blóðsykurfall nema með því að vakna og mæla blóðsykurinn kl 03:00 í nokkur skipti. Blóðsykurinn getur verið eðlilegur þegar þú vaknar að morgni þrátt fyrir að hann hafi verið lágar um nóttina. Gagnlegt er að athuga þetta af og til.

Hvað veldur blóðsykurfalli að næturlagi? Algengustu orsakir:

- Of stórir skammtar af grunninsúlni (basal).
- Líkamsrækt um daginn án þess að bæta sér upp kolvetni eða nota tímabundinn grunn í dælu.
- Áfengi. Alkóhólið í áfengum drykkjum stöðvar framleiðslu glúkósa í lifrinni
– sem alla jafna viðheldur blóðsykri að næturlagi.


Hvernig er hægt að bregðast við?

Ef þú lækkar alltaf í blóðsykri að næturlagi þarfutu ef til vill að minnka næturgrunnin af insúlini. Til að byrja með væri gott að minnka insúlíngjöf um 10%. Þetta þýðir að ef þú notar 1 einingu á klukkustund ættirðu að lækka grunnin niður í 0,9 einingar á klukkustund. Gefðu nýrrri stillingu alltaf nokkra daga áður en þú breytir aftur.

Eftir æfingar gætir þú þurft að setja inn tímabundinn grunn. Ágætt er að byrja á að minnka grunninn um 20-30%. Athugið að það tekur 1-1,5 klukkustund fyrir breytingar á grunni að skila sér. Ef þú neytir áfengis er gagnlegt að nota tímabundinn grunn og borða eitthvað sem inniheldur kolvetni áður en þú sofnar.

2

Skref 2: Að ná markmiðum í sykurstjórn á morgnana



Að hefja daginn með háan blóðsykur gerir það að verkum að erfiðara er að ná markmiðum sínum en ef sykurinn í lagi að morgni. Ef fyrsta markmið er að koma í veg fyrir blóðsykurföll að næturlagi ætti annað markmið að vera gott blóðsykurgildi að morgni.

Hvað orsakar háan blóðsykur að morgni?

Bláa línan í myndinni hér að ofan er dæmi um einhvern sem fer að sofa með of háan blóðsykur (um 10 mmol/L) og vaknar svipaður. Í þessu tilviki þarf að skoða hvað var gefið með máltíðinni (bolus) kvöldið áður. Grunninsúlín virðist vera rétt stillt því sykurinn helst jafn yfir nóttina þrátt fyrir að sykurinn sé óþarflega hár.


Rauða línan er dæmi um of lítið grunninsúlín. Blóðsykur er fínn þegar viðkomandi sofnar en hækkar um nóttina.

Dögunarfyrbær (e. dawn phenomenon) er ástand þar sem blóðsykur hækkar verulega á milli klukkan 03:00 og 07:00. Þetta hefur mismikil áhrif á einstaklinga en það stafar af hækkun hormóna á morgnana (kortisól og vaxtarhormón) sem meðal annars minnkar næmi líkamans fyrir áhrifum insúlíns.

Lausnir:

- Mikilvægt er að ganga úr skugga um að blóðsykur sé í lagi fyrir svefninn.
- Ef blóðsykur er í lagi fyrir svefninn en of hár þegar vaknað er gæti þurft að auka grunn að næturlagi um 10-20%.
- Dögunarfyrbærið má laga með því að auka grunninsúlín klukkan 03:00. Ágætt er að byrja á 10% hækkun á þessum tímapunkti.

3

Skref 3: Að stilla grunninsúlin (basal)

Þumalfingursregla er að flestir þurfa um 40-50% af insúlini í grunn (basal) og 50-60% sem máltíðarinsúlin (bolus). Ef grunninsúlinskammtur er stærri en þetta gæti þurft að gera breytingar. Þetta er mikilvægt þar sem of mikið grunninsúlin getur aukið matarlyst og átt þátt í þyngdaraukningu. Of stórr grunnskammtur getur líka aukið hættu á blóðsykurföllum.

Hvernig get ég ákvarðað hvort grunnskammtur er réttur?

Besta leiðin til að prófa þetta er að fasta eða borða máltíð án kolvetna. Með því að fasta þarf ekkert máltíðarinsúlin. Í dæminu hér fyrir ofan hefur einstaklingurinn borðað kolvetnalausa máltíð í morgunmat.

Svarta línan sýnir hvað gerist ef grunninsúlin stillingar eru réttar - Blóðsykur er jafn. Rauða línan sýnir hvað gerist ef of mikið grunninsúlin er notað - Blóðsykur lækkar. Bláa línan sýnir hvað gerist ef of lítið grunninsúlin er notað - Blóðsykur hækkar.

Þú getur einnig fastað eða borðað kolvetnalausrar máltíðir um hádegi, kaffitíma og kvöldmat til að sjá hvernig blóðsykur hagar sér á þessum tínum sólarhringsins. Hægt er að gera þessar tilraunir á nokkrum dögum til þess að fastan verði ekki of löng í einu.

Hvaða breytingar er hægt að gera?

Ef blóðsykur fellur eftir máltíð án kolvetna (eða ef þú ert fastandi) ætti að prófa að lækka grunninsúlinskammt um 10% til að byrja með.

Ef blóðsykur hækkar eftir máltíð án kolvetna (eða ef þú ert fastandi) ætti að prófa að auka grunninsúlinskammt um 10% til að byrja með.


Tímabundinn grunnur

Með dælunni er hægt að stilla inn tímabundinn grunn. Þetta getur verið gagnlegt í tengslum við hreyfingu, veikindi, streitu og hjá sumum konum fyrir blæðingar. Hægt er að stilla inn mismunandi grunnmynstur fyrir vinnudaga og helgar til að halda sem jöfnustum blóðsykri. Verulegur munur getur verið á insúlínþörf eftir því hvort um er að ræða virka daga eða helgar. 7

Sjá viðauka 1 en þar eru hugmyndir að kolvetnalausum máltíðum.

4

Skref 4: Að gefa réttan skammt með máltíðum (bolus)



Besta leiðin til stilla saman máltíð og insúlínskammt er að telja kolvetni. Við leggjum ríka áherslu á að þú kynnir þér og lærir kolvetnatalningu ef þú hefur ekki tileinkað þér hana nú þegar. Hægt er að fá aðstoð við kolvetnatalningu hjá næringarfræðingi á göngudeild sykursýki.

Að stilla skammta – hvaða þættir eru mikilvægir?

-Með tímanum öðlast fólk reynslu í að meta kolvetnainnihald matvæla sem það borðar oftast. Í þessu sambandi gildir máltækið æfingin skapar meistarann. Hjálpleg smáforrit í farsíma eru til dæmis Carbs and Cals og MyFitnessPal.

-Kolvetnahlutfall (hve mikið insúlín þarf með máltíðum) er mjög mismunandi milli einstaklinga og reyndar hjá sama einstaklingi á mismunandi tímum sólarhringsins. Gróft mat á kolvetnahlutfalli er að finna í viðauka aftast í þessu hefti. Þetta hlutfall getur einnig breyst eftir því sem tíminn liður og er því mikilvægt að fara yfir stillingar öðru hvoru.

-Tímasetning máltíðarinsúlíns getur verið mikilvæg en aftur er vikið að því í skrefi 5.

Er ég að gefa réttan skammt?

-Það fyrsta sem þarf að gera er að ganga úr skugga um að grunninsúlín sé rétt (þrep 3). Mældu blóðsykur fyrir máltíð og tveimur klukkustundum eftir að borðað er.

-Ef blóðsykur er hærri en 10 mmol/L tveimur tímum eftir máltíðina getur þurft að breyta kolvetnahlutfallinu og gefa þar af leiðandi meira insúlín. Tveimur tímum eftir máltíð ætti blóðsykur aftur að vera orðin svipaður og áður en borðað var.


-Ef blóðsykur er lægri 2 tínum eftir máltíðina en hann var fyrir hana getur verið nauðsynlegt að breyta hlutfallinu og minnka insúlínskammtinn þar með. Þú gætir byrjað á að breyta hlutfallinu í smáum skrefum.

Dæmi: Ef hlutfallið er 1:15 (einingar/grömm kolvetna) og blóðsykur er of hár eftir máltíð gætir þú breytt hlutfallinu í 1:12.

Ef blóðsykur er hár eftir two tíma en lækkar svo næstu 4-5 klukkustundir getur það þýtt að skoða þurfi tímasetningu máltíðarinsúlinsins það er að máltíðarinsúlínin þurfi að gefa enn fyrr (20-30 mín fyrir máltíð).

5

Skref 5: Að tímasetja máltíðarinsúlin og velja skammtaform



Þrátt fyrir að insúlin eins og Novorapid, Humalog og Apidra séu hraðvirk, getur tekið þau um 30 mínútur að byrja að virka jafnvel þótt þau séu gefin með dælu. Þetta getur þýtt að kolvetnaríkar máltíðir geta hækkað blóðsykur mikið áður en insúlinið fer að virka sé það ekki gefið í tíma. Á hinn bóginn geta máltíðir sem innihalda mikið af fitu (pizzur og annar skyndibiti) tafið hækkan blóðsykurs en leitt til þess að blóðsykur getur hækkað löngu eftir máltíðina.

Tímasetning máltíðarinsúlins

Þegar blóðsykur er mældur 2 klukkustundum eftir máltíð, og aftur fyrir næstu máltíð, gefur það góða visbendingu um hvort máltíðarleiðréttið hafi virkað eins og til var ætlast. Það er gagnlegt að huga að því hvernig máltíðin sem við ætlum að borða er samsett.

Í dæminu hér að ofan hefur blóðsykur hækkað hratt eftir kolvetnaríkan morgunverð og afleiðingin er mikil hækkan. Á línumritinu sést líka hvernig blóðsykur hækkar seint að deginum eftir fituríkan hádegisverð. Það gerist vegna þess að fitan tefur fyrir frásogi kolvetna.

Með því að mæla blóðsykur eingöngu rétt fyrir hádegisverð í tilfelli sem þessu, væri ályktunin ef til vill sú að þú ættir að gefa minna insúlin með morgunmatnum, sem væri ekki rétt. Ef máltíðarskammturinn væri gefinn fyrr er líklegt að sykurinn hefði ekki hækkað strax eftir morgunmatinn. Því getur tímasetningin verið alveg jafn mikilvæg og réttur skammtur af insúlini.


Á sama hátt með því að mæla blóðsykur bara fyrir kvöldmatinn gætirðu dregið þá ályktun að þú þyftir meira insúlin með hádegismatnum en það myndi líklega leiða til blóðsykurstalls seinni partinn. Þarna gegnir tímasetning lykilhlutverki líka.

Mismunandi skammtaform máltíðarinsúlins

Insúlindælur geta skammtað insúlin með máltíðum á mismunandi hátt. Allt í einu, hluta strax og hluta á lengri tíma og svo framvegis. Meta þarf hvað er rétt í hvert skipti. Skynsamlegt getur reynst að skipta máltíðarinsúlini upp og gefa það á lengri tíma einkum ef um fituríkar máltíðir er að ræða.

6

Skref 6: Að velja réttan leiðréttigarstuðul og ofnota hann ekki



Leiðréttigarstuðull (eða insúlín næmi) er mikilvægur þáttur til að stjórna blóðsykrinum. Helsti ávinnungur þess að mæla blóðsykur með reglulegu millibili er að geta leiðrétt of háan sykur fyrir máltíðir og í stöku tilfellum milli mála. Ef alltaf þarf að leiðréttá á svipuðum tíma sólarhringsins ætti að reyna að leita skyringa á af hverju það þarf frekar en að treysta á leiðréttigar. Einnig getur verið erfitt að átta sig á mynstri í blóðsykri og því getur verið gagnlegt að hætta að leiðréttá ef stendur til að komast að rót vandans sem getur verið of lítið grunninsúlin eða rangur leiðréttigarstuðull.

Hver er minn leiðréttigarstuðull?

Einföld leið til að meta leiðréttunga er:

100 / (heildarnotkun insúlins á dag (Grunninsúlin og máltíðarinsúlin))

Ef viðkomandi notar um það bil 25 einingar af máltíðarinsúlini (bolus) og 25 einingar af grunninsúlini (basal) er heildarnotkunin 50 einingar.

Leiðréttigarstuðull væri því $100/50 = 2$


Það þýðir að 1 eining insúlins myndi lækka blóðsykurnn um 2 mmol/L.

Ef blóðsykur er t.a.m. 13mmol/L í hádeginu ætti viðkomandi að gefa sér 3 einingar auk máltíðarleiðréttigar til að lækka blóðsykur niður í 7 mmol/L.

Ef vart verður við sykurföll í kjölfar leiðréttingu getur þurft að breyta þessum stillingum þannig að hver eining jafngildi lækkun upp á 2,5 mmol/L en ef sykur helst áfram há gæti þurft að breyta í átt að því að hver insúlineining lækki um 1,5 mmol/L en þannig gæfi dælan meira insúlín.

Notkun Bolus Wizard gerir dælunni kleift að taka tillit til þess hve mikið virkt insúlín er enn til staðar í líkamanum en það hjálpar mjög þegar ákvarða á leiðréttingskammtinn.

7

Skref 7: Að meðhöndla blóðsykur föll

Til þess að koma í veg fyrir blóðsykurföll (undir 3,5 mmol/L) þarf að mæla blóðsykur reglulega og gefa viðeigandi insúlínskammta. Hins vegar er ekki óvenjulegt að finna fyrir vægum sykurföllum stöku sinnum en þau er mikilvægt að meðhöndla eins fljótt og kostur er.

Ef blóðsykurföll verða alltaf um svipað leyti sólarhringsins er mikilvægt að reyna að koma í veg fyrir þau. Þau skref sem hafa verið rædd nú þegar ættu að geta varpað ljósi á helstu orsakir blóðsykurfalla.

Hver er besta leiðin til að meðhöndla blóðsykursfall?

Besta leiðin til að meðhöndla lágan blóðsykur er að borða 15-20 g af skjótvirkum kolveturnum til dæmis glükósatöflur eða banana. Æskilegt er að biða í 15-20 mínutíð til þess að vita hvort einkennin líði hjá. Ef ekki, gæti verið gott að fá sér eina brauðsneið til viðbótar. Tilhneigingin er sú að ofleidrétta lágan blóðsykur og þess vegna er mikilvægt að mæla sig eftir um klukkustund til að tryggja að blóðsykurnn hafi ekki rokið upp úr öllu valdi.

Eftir blóðsykurfall

Erfitt getur reynst að stjórna blóðsykrinum eftir blóðsykurfall eins og sést á myndinni hér að ofan og gæta verður að því að hætta á öðru sykurfalli er meiri sólarhringinn á eftir því fyrsta. Ástæðan fyrir því, að hætta á öðru sykurfalli er meiri, er sú að líkaminn reynir að leiðréttá sykurnn sjálfur. Það gerir hann með því að nýta sér forða í vöðvum og lifur. Ef annað sykurfall verður er hætt við því að forðinn sé líttl. Ágætt er að líkja þessu saman við að vindla blauta tusku – í fyrstu kemur svoltíð vatn en þegar við vindum í annað sinn er hætt við að vatnið sé búið. Mikilvægt er að hafa gætur á blóðsykrinum í allt að sólarring eftir blóðsykurfall.


Glükósatöflur

Í apótekum fást nokkrar tegundir af glükósatöflum með mismunandi kolvetnainnihaldi. Það er því best að kynna sér hve mikið hver tafla inniheldur til að borða hvorki of mikið né lítið af þeim.

8

Skref 8: Að stilla insúlíngjafir og hreyfingu

Til að fá frekari upplýsingar um sykursýki og hreyfingu bendum við á www.runsweet.com



Þjálfun er afar mikilvægur þáttur í góðri sykurstjórn. Hún veitir vellíðan og viðheldur heilbrigði. Þeir sem æfa reka sig hinsvegar á að hætta á blóðsykurföllum eykst en við því er hægt að bregðast og engin ástæða er til hræðast æfingar. Margir hafa náð frábærum árangri þrátt fyrir sykursýki af tegund 1. Það getur tekið margar tilraunir að ná insúlinskömmum, tímasetningum og kolvetnamagni fyrir æfingar réttum en vegna þess hve misjöfn við erum er ekki hægt að segja að ein leið virki best.

Undirbúnungur

- Best er að vera á bilinu 5-10 mmol/L fyrir æfingu. Ef æfingin er styttri en 45 mínútur:
 - » Borðaðu 20-30 g af kolveturnum ef blóðsykur er lægri en 7 mmol/L.
 - » Borðaðu 1-20 g af kolveturnum ef blóðsykur er á milli 7 og 10 mmol/L.
- Ef blóðsykur er á bilinu 10 til 13 mmol/L þarf engin auka kolvetni.
- Ef blóðsykur er hærri en 13 mmol/L ætti að íhuga að fresta hreyfingu þar til blóðsykur byrjar að lækka vegna aukinnar hættu á ketónablóðsýringu (e. ketoacidosis).
- Ef æfingin er lengri en 45 mínútur þarf að lækka grunn- og máltíðarinsúlin um 30-50% fyrir æfinguna. Hér er lykilatriði að prófa sig áfram því engir tveir eru eins.
- Ef þú dregur úr grunninsúlini (temporary basal) er best að draga úr því 1-2 klukkustund fyrir æfingu.

Á meðan á æfingu stendur


Það fer eftir lengd æfingar og hversu erfið hún er hve mikið þarf að borða af kolveturnum á meðan á æfingunni stendur. (Sjá viðauka 3 til að fá sérstakar ráðleggingar um auka kolveturni).

Eftir æfingu

Grunninsúlin getur þurft að lækka um 20-30% nóttnina eftir æfingu. Nauðsynlegt getur verið að fá sér viðbótar kolveturni fyrir nóttnina til að líkaminn geti fyllt á birgðir í vöðvum og lifur án þess að þú fáir blóðsykurstallum nóttnina.

9

Skref 9: Að fara yfir mynstur í blóðsykurmælingum



Með reglulegum mælingum næst betri stjórn á blóðsykri. Nú er hægt að hlaða gögnum úr flestum blóðsykurmælum inn í tölvu eða snjalltæki en auk þess eru til síritar sem auðvelda lifið enn frekar. Notendur insúlfíndæla eru hvattir til að setja upp CARELINK aðgang þar sem á einfaldan hátt er hægt að sækja mælingar úr sykurnema og blóðsykurmæli. Síðan er hægt að skoða það mynstur sem kemur upp eins og á myndunum hér að ofan, og gera breytingar ef þarf. Ef þetta er gert með reglulegu millibili, til dæmis vikulega, verður auðveldara að gera smávægilegar breytingar og bera saman mismunandi niðurstöður til að sjá hverju breytingar skila. Þessi gögn er hægt að senda til göngudeildar eða þeirra heilbrigðisstarfsmanna sem þú hefur getað leitað til vegna sykursýkinnar.

Fjöldi blóðsykur-mælinga á dag	Meðaltalsgildi HbA1c (%) gamla einingin	Meðaltalsgildi HbA1c mmol/mol (nýrrí eining)
0-2	8,6	71
3-4	8,0	64
5-6	7,6	60
7-9	7,4	57

10

Skref 10: Að nýta heimsókn á göngudeild

- Mikilvægt er að fara í blóðprufu a.m.k. tveimur dögum fyrir bókaðan tíma svo að heimsókn nýtist sem best.
- Sjúkdómurinn krefst athygli – alltaf!
- Venjulega eru 1-2 heimsóknir á göngudeildina á hverju ári og því er nauðsynlegt að þú verðir sjálf/ur sérfræðingur í sykursýki.
- Gott að vera vel undirbúin/n við komu á göngudeild.
- Mikilvægt er að bíða ekki í 4-6 mánuði eftir næsta tíma ef upp koma vandamál.
- Í flestum tilfellum er hægt að fá göngudeildartíma með skömmum fyrirvara ef þú ert í vanda.
- Með því að skoða mælingar reglulega, mæta í tíma á göngudeild og gera þær breytingar sem þarf á meðferðinni er í lang flestum tilfellum hægt að laga það sem betur má fara og ná góðri stjórn .
- Áskorunin af hálfu einstaklings með sykursýki af tegund 1 er fyrst og fremst sú að gefast ekki upp og áskorun okkar á göngudeild sykursýki er að gera folk eins sjálfstætt í meðhöndlun sjúkdómsins og hægt er.
- **Þú stjórnar sykursýkinni - ekki öfugt.**

Hægt er að senda fyrirspurnir um meðferð og vandamál á göngudeild í netfangið: innkirtladeild@landspitali.is

Þá mun starfsmaður hafa samband og leiðbeina með næstu skref.

heimasíða: www.landspitali.is/innkirtladeild

Sími: 543 6040

Viðauki 1: Kolvætnalausar máltíðir

Eftirfarandi eru uppástungur varðandi matvörur sem hægt er að velja þegar verið er að athuga hvort grunninsúlin er rétt stillt inn.

Sætuefni sem hafa endinguna –ol eins og t.d. xylitol geta haft áhrif til hækunar á blöðsykri.

Morgunmatur

- Hrærð/steikt/soðin egg
- Hrærð/steikt/soðin egg ásamt beikoni, silungi eða laxi
- Lárpera - Avocado
- Ýmsir ostar (lesið á umbúðir)

Aðrar máltíðir

- Eggjahræra án mjólkur með osti og skinku
- Óunnar kjötvörur
- Fiskur

Meðlæti

- Salat, agúrka, paprika, sveppir, tómatar, laukur, blómkál, sperrgilkál, avakadó.
- Majónes
- Allar olíur (salatdressing – ósykruð)

Drykkir

- Vatn/Sódavatn
- Kaffi
- Sykurlausir gosdrykkir

Viðauki 2: Leiðbeinandi Insúlín/Kolvetnahlutfall

Heildarinsúlínnotkun á dag (grunnur og máltíðarinsúlín)	Insúlín / kolvetnishlutfall	Líkamsþyngd (Kg)	Insúlín/ Kolvetnishlutfall
8 – 11	01:50	<27	01:30
12 – 14	01:40	27 – 36	01:25
15 – 18	01:30	37 – 45	01:20
19 – 21	01:25	38 – 54	01:18
22 – 27	01:20	55 – 64	01:15
28 – 35	01:15	65 – 77	01:12
36 – 45	01:12	78 – 90	01:10
46 – 55	01:10	91 – 104	01:08
56 – 65	01:08	105 – 122	01:06
66 – 80	01:06	>122	01:05
81 – 120	01:05	81 – 120	01:05
> 120	01:04	> 120	01:04

Til að áætla hlutfall milli insúlíns og kolvetna er hægt að nota tvær aðferðir. Taflan vinstra megin notar heildarsammt á sólarhring en taflan hægra megin áætlar hlutfallið út frá þyngd. Þetta ætti aðeins að vera til viðmiðunar, nánari lýsing á hvernig að áætla insúlíngjöf fyrir máltíð er lýst í skrefi 4.

Ef insúlín/kolvetnishlutfallið virkar ekki (ef blóðsykur er of hár eða lágor eftir máltíð þá má ihuga að breyta hlutfallinu um 3 til 5 g).

Viðauki 3: Kolvetnisinntaka á meðan æfingu stendur

Púls	% hámarks hjartsláttar	Borg kvarði	Ákefð æfingar	Leiðbeinandi kolvetnisinntaka á klst.
60		6		
70		7	Lauflétt (Hvíld)	
80		8		
90		9	Mjög létt (engin áreynsla)	
100		10		
110	65%	11	Fremur létt	0.5g/kg/klst
120		12		
130		13	Dálftið þungt (getur haldið uppi samræðum)	1g/kg/klst
140	75%	14		
150		15	Þungt	1.5g/kg/klst
160	85%	16		
170		17	Mjög þungt	>2g/kg/klst
180	92%	18		
190		19	Níðþungt	
200	100%	20		

Þessi tafla sýnir leiðbeinandi tillögur um hve mikil magn kolvetna ætti að neyta meðan á æfingu stendur. Ákefð æfingarinnar skiptir miklu máli í þessu samhengi. Ef þú átt orðið erfitt með að halda uppi samræðum vegna mæði er líklegt að þú sért á stigi 17 á Borg kvarðanum og ættir því að þurfa um 2 g af kolvetnum á kíló á klukkustund á meðan æfingu stendur.

Viðauki 4: Að nýta kosti dælunnar

Insúlindælur hafa ýmsa eiginleika fram yfir hefðbundna pennameðferð. Til að geta nýtt sér alla kosti dælunnar er gott að fara yfir listann hér að neðan. Ef kunnáttu í einhverjum þessarra þátta er ábótant er hægt að hafa samband við göngudeildina því í boði verða sérstök námskeið/upprifjunarnámskeið fyrir dæluhafa. Hægt er að senda tölvupóst á innkirtladeild@landspitali.is

Að gefa leiðréttigar skammta (bolus)	
Að hætta við leiðréttigar skammt	
Að setja upp áminningu vegna insúlíngjafar	
Að stilla grunninsúlin (basal)	
Að stilla inn mismunandi grunna t.d. virkir dagar/helgar	
Að stilla inn tímabundinn grunn	
Að setja upp bolus wizard	
Að nota bolus wizard	
Að tengja dæluna við blóðsykurmæli	
Að setja upp og nota CARELINK og fara yfir gögn á tölvutæku formi.	
Að skipta um slöngusett / Að velja stungusett	
Bilun í dælu – hvað á að gera?	
Veikindadagar	

1 Að koma í veg fyrir blóðsykurföll að næturlagi

2 Að ná markmiðum í sykurstjórn á morgnana

3 Að stilla grunninsúlin (basal)

4 Að gefa réttan skammt með máltíðum (bolus)

5 Að tímasetja máltíðarinsúlin og velja skammtaform

6 Að velja réttan leiðréttigarstuðul og ofnota hann ekki

7 Að meðhöndla blóðsykurföll rétt

8 Að stilla insúlíngjafir og hreyfingu

9 Að fara yfir mynstur í blóðsykurmælingum

10 Að nýta heimsókn á göngudeildina

Til minnis:

ÚTGEFANDI:

LANDSPÍTALI

NÓVEMBER 2017

INNKIRTLADEILD

ÞÝTT OG STAÐFÆRT:

BIRKIR FRÍÐFINNSSON

SJÚKRAPJÁLFARI INNKIRTLADEILD

HÖNNUN:

SAMSKIPTADEILD